

Nunani allamiut pillugit inatsisip allannguutaa pillugu inatsit

(Nunani allamiut upperisannik siammarterisut il.il. naalagaaffimmut isitsaaliorneqarsinnaasut pillugit pisortat pineqaatissinneqartunut allattaaviannik atuutilersitsineq)

UAGUT MARGRETHE AAPPAAT, Guutip saammaanneragut Danmarkip

Dronningia nalunaarpugut:

Inatsit una Folketingip akuersissutigimmagu Uagullu Akuersinitsigut

atuuttussanngortikkatsigu:

§ 1

Nunani allamiut pillugit inatsimmi, tak. inatsimmik nalunaarut nr. 412, 9. maj 2016-imeersoq, kingullermik inatsisikkut nr. 1561, 13. december 2016-imeersukkut allanngortinneqartumi, makku allannguutigittinneqassapput:

1. § 10, imm. 3, pkt. 1-imi, “§ 32, imm. 1 ” imaalillugu allanngortinneqassaaq: “§ 32, imm. 12”.
2. § 10, imm. 4, pkt. 1 aamma II“ imaalillugu allanngortinneqassaaq: “§ 32, imm. 1 aamma 12”.
3. § 10-mi imm. 6-tut ivertinneqassaaq:

“Imm. 6. Nunami allamiu allattaavimmi § 29 c, imm. 1-imi taaneqartoq §§ 7-9 f, 9 i-9 n imaluunniit 9 p malillugit naalagaaffimmiinnissamut akuersissummik tunineqarsinnaanngilaq, pissutaasinnaasut immikkut ittut patsisaasimanngippata.

4. Kapitali 5 b kingorna inertinneqassaaq:

“Kapitali 5 c

Upperisamik siammarterisut il.il. nunani allamiut naalagaaffimmut isitsaaliorneqarsinnaasut pillugit allattaavik

§ 29 c. Nunami allamiu allattaavimmut ilanngunneqarsinnaavoq nunami allamiu upperisamik siammarterisutut allatulluunniit periaaseqarluni upperisarsiummik imaluunniit upperisamik siammarterisutut pissusilersorpat aamma Danmarkimi najugallit torersumik pissuseqarnissaat eqqarsaatigalugu nunami allamiu nunami maani ittariaqanngitsutut isigineqarpat. Allattaavimmut ilanngutitaaneq pissaaq ukiut marluk qaangiunneranni aamma naafferartumik ukiut marlukkaarlugit sivitsorneqartarsinnaalluni. Nunami allamiu EU-mi malittarisassani ilanngullugu pineqartoq, tak. § 2, imm. 3 imaluunniit pineqartoq nunami maani innissaminut akuersissummik peqartoq, allattaavimmut ilanngunneqarsinnaanngilaq.

Imm. 2. Nunami allamiu allattaavimmut imm. 1-imi taaneqartumut ilanngunneqarnissaa pillugu aalajangiiniarnermi, pisortat ingerlatsinerat pillugu inatsimmi § 19 malinneqassanngilaq.

Imm. 3. Nunami allamiup allattaavimmut imm. 1-imi taaneqartumut ilanngunneqarnera Statstidendemi nalunaarutinut ilanngunneqassaaq. Nunami allamiumik allattaavimmut ilanngunneqartoq tamanna pillugu piffissami Statstidendemi ilanngunneqarfianiit atuutilissaaq, piffissaq taanna sioqqullugu allattaavimmut nunami allamiup pineqartup ilanngunneqarnera nalunaarutigineqareersimanngippat.

Imm. 4. Allataavik imm. 1-imi taaneqartoq atermik, sumiuussusermik, ullormik inunngorfimmik aamma nuna iffigisaa pillugu paasissutissartalik kiinaanillu assitalik tamanut ammasumik nalunaarutigineqarsinnaavoq.

Imm. 5. Nunami allamiup qinnuteqareerneratigut allattaavimmi imm. 1-imi taaneqartumi nunami allamiup ilanngunneqarnissaa pillugu suliaq Nunani Allamiut pillugit Aqutsisoqarfiup (Udlændingestyrelsen) suliareqqilissavaa. Suliarineqaaqilernissamik qinnuteqaat kinguartinneqarsinnaanngitsutut sunniuteqassanngilaq.

5. § 32-imi imm. 9 kingorna nutaatut ivertinneqassaaq:

“Imm. 10. Nunami allamiu allataavimmut imm. 29 c, imm. 1-imi taaneqartumut ilanngunneqarsimasooq akuersissummik peqaqqaartinnani nunamut maanga (naalagaaffimmut iserfigeqqusaanngitsumut) iseqqusaanngilaq eqqusaanniluunniit, nunami allamiu taanna allattaavimmut ilanngunneqarsimajuartillugu. Naalagaaffimmut iseqqusaannginneq atuutissaaq nunami allamiu allattaavimmi allanneqarsimajuartillugu. Naalagaaffimmut iseqqusaannginneq atuukkunnaassaaq nunami allamiu allaattaavimmi allaqqajunnaarsimappat imaluunniit nunami allamiu patsissat immikkut ittut patsisaatillugit nunami maani innissamut akuersissummik malunaarfigineqarsimappat.

Imm. 10 aamma 11 tamatuma kingorna imm. 11 aamma 12-nngortinneqassapput.

6. § 44 a, imm. 12-mi oqaaseqatigiit pingajuattut sisamaatullu ivertinneqassapput:

“Aamma inunnik paasissutissat pillugit inatsimmi § 7, imm. 8 atuutissanngilaq nunami allamiu upperisamik siammarterisutut allatulluunniit periaaseqarluni upperisarsiummik imaluunniit upperisamik siammarterisutut pissusilersorpat aamma Danmarkimi najugallit torersumik pissuseqarnissaat eqqarsaatigalugu nunami allamiu nunami maani ittariaqanngitsutut isigineqarpat. Inatsit taanna aamma atuutissaaq suliat suliarineqarneranni allataavimmi taama ittumi allaqqanissaaq pillugu allagaatit ilanngunneqartillugit.”

7. 15 46 a, imm. 1, oqaaseqatigiit siullianni “§11, imm. 10” kingorna ilanngunneqassaaq: “§ 29, imm. 1”

8. § 52 b, imm. 1-imi nr. 13-tut ivertinneqassaaq:

“13) § 29 c, imm. 5 malillugu suliareqqinneqalernermit atatillugu allattaavimmit § 29 c-mi taaneqartumit piaarneqarnissamut itigartitsissut.”

9. § 58 g, imm. 1, nr. 6-imi “§ 7 kingorna imaluunniit” imaalillugu allannngortinneqassaaq: “§7 kingorna” aamma § 58 g, imm. 1, nr. 7-imi “25 b” imaalillugu allannngortinneqassaaq: “§ 25 b imaluunniit”.

10. § 58, imm. 1-imi nr. 8-tut ivertinneqassaaq:

“§ 8) nunami allamiut allattaavimmi § 29 c, imm. 1-imi taaneqartumut ilanngunneqarsimasut.

§ 2

Inatsit atuutilersinneqarpoq ulloq 1. januar 2017.

§ 3

Folketingip ukiuini atuuffiini 2021-22-mi inatsisip nutarterneqarnissaa pillugu siunnersuummik Nunani allamiunut Akulerutitaanermullu ministeri (Udlændinge- og integrationsministeri) saqqummiussissaaq.

§ 4

Inatsit Kalaallit Nunaannut aamma Savalimmiunut atuutinngilaq, kisianni kunngip peqqussutaatigut tamakkiisumik ilaannarmilluunniit Savalimmiunut aamma Kalaallit Nunaannut atuutilersinneqarsinnaavoq allannguutit Savalimmiuni aamma Kalallit Nunaanni pissutsit malillugit allannguutigitillugit.

Marselisborgimi ulloq 27. december 2016-imi tunniunneqarpoq

Kunngit Atsiorpugut Naqissusiillutalu

MARGRETHE R.

Inger Støjberg